

元和郡縣圖志

附闕卷逸
文攷證

五







元和郡縣圖志

附闕卷逸文攷證

(五)

李吉甫撰
孫星衍校
張駒賢攷證

元和郡縣圖志卷第十三

河東道二

河東節度使 太原府 汾州 沁州 儀州

太原府 開元戶一十二萬六千八百四十
元和戶一十二萬四千 鄉二百四十五

今為河東節度使理所

管州十一 太原府 汾州 沁州 儀州 嵐州 石州 忻州 代州 蔚州 朔州 雲州

縣四十七 都管戶一十五萬一千六百八十三

禹貢冀州之域。禹貢曰。既修太原。注曰。高平曰原。今以為郡名。舜典曰。肇十有二州。王肅注曰。舜為冀州之北太廣。分置并州。至夏復為九州。省并州合於冀州。周之九州。復置并州。職方曰。正北曰并州。其山鎮曰恆山。藪曰昭餘祁。川曰淖沱。漚夷。浸曰涑易。釋名曰。并兼也。言其州或并或設。因為名。春秋。晉荀吳敗狄於大鹵。即太原晉陽縣也。中國曰太原。夷狄曰大鹵。按晉太原。大鹵。大夏。夏墟。平陽。晉陽六名。其實一也。太康地記曰。并州不以衛水為號。又不以恆山為名。而言并者。蓋以其在兩谷之間乎。按今州本高辛氏之子實沈。又金天氏之子臺駘之所居也。左傳曰。昔高辛氏有二子。伯曰閼伯。季曰實沈。居於大林。

不相能也。日尋干戈。后帝不滅。遷實沈於大夏。主參。金天氏有裔子曰昧。爲玄冥師。生允格。臺駘。以處太原。晉陽縣也。太原。臺駘之所居。按今州。又爲唐國。帝堯爲唐侯所封。又爲夏禹之所都也。帝王世紀曰。帝堯始封於唐。又徙晉陽。及爲天子。都平陽。平陽卽今晉州。晉陽卽今太原也。又曰。禹自安邑都晉陽。至桀。徙都安邑。至周成王。以封弟叔虞。是爲晉侯。史記曰。成王與叔虞戲。削桐葉爲圭。曰。以是封汝。周公請封之於唐。成王曰。吾戲耳。周公曰。天子無戲言。遂以封之。今州。春秋時爲晉國。戰國時爲趙地。左傳曰。晉趙鞅入晉陽以叛。潁容曰。趙簡子居晉陽。至成公。居邯鄲。史記曰。智伯率韓。魏攻趙。襄子奔保晉陽。晉爲韓。魏。趙所滅。故其地屬趙。地理志曰。趙西有太原。秦本紀曰。莊襄王二年。蒙驁攻趙。定太原。四年。初置太原郡。始皇置三十六郡。仍爲太原郡。漢二年。魏豹反爲楚。盡有太原。上黨之地。九月。韓信虜魏豹。定魏地。置河東。上黨。太原郡。六年。以太原二十一縣爲韓國。徙封韓王信。都太原。七年。信反。走入匈奴。十一年。封皇子爲代王。都晉陽。文帝元年。立皇子參爲太原王。都晉陽。地理志云。太原郡領二十一縣。屬并州。後漢末。省并州入冀州。魏文帝黃初元年。復置并州。改太原郡爲太原國。初。曹公圍袁尙於鄴。時袁紹外甥高幹爲并州刺史。沮授說幹曰。并州左有恆山之險。右有大河之固。北有強胡。宜速迎尙。並力觀變。幹不能用。故敗。晉惠帝時。并州之地。盡爲劉元海所有。其後劉曜徙都長安。自平陽已東。盡入石勒。至苻堅。姚興。赫連勃勃。並於河東郡置并州。後苻丕爲慕容垂所迫。奔於晉陽。稱帝一年。爲慕容永所滅。後魏復爲太原。

郡周武帝建德六年平齊置六府於并州後省六府置并州總管隋開皇二年廢總管置河北道行臺尚書省今州理是也九年廢行臺復置并州總管大業元年廢總管三年罷州爲太原郡隋季陵遲寇盜充斥煬帝以高祖爲山西河東道撫慰大使太原郡留守仍遣武賁郎將王威高君雅爲副時賊帥歷山飛衆號十萬來寇郡境劉武周又殺太守王仁恭舉兵馬邑俄又攻破汾陽宮監裴寂晉陽令劉文靜勸高祖舉兵旬日間衆至數萬威君雅有疑心高祖斬之以徇時大業十三年也其年入關剋定京邑高祖輔政義甯元年太原郡仍舊不改武德元年罷郡爲并州總管三年廢總管四年又置其年又改爲上總管五年又改爲大總管七年又改爲大都督天授元年罷都督府置北都神龍元年依舊爲并州大都督府開元十一年玄宗行幸至此州以王業所興又建北都改并州爲太原府立起義堂碑以紀其事二十一年分天下州郡爲十五道置採訪使以檢察非法太原爲河東道又於邊境置節度使以式遏四夷河東最爲天下雄鎮河東節度理太原府管兵五萬五千馬一萬四掎角朔方天兵軍太原府城內聖厓二五千五雲中郡守捉兵七千七百七人馬一千二百匹調露中裴行儉破突厥置管大同軍雁門郡北三百里裴行儉開置管兵九千五百人馬五千五百匹安邊郡東南去理所八百餘里雁門今代州橫野軍安邊郡東北四百四十里開元中河東公張加貞移置管安邊郡今定襄郡去理所八百八十里管兵雁門郡去理所五百里樓煩郡東南去理所二百五十里蔚州地界定襄郡去理所八百八十里管兵雁門郡去理所五百里樓煩郡北百里長安中李迥秀置管兵天寶元年改北都爲北京今太原有三城府及晉陽縣在西城蔚州地界定襄郡去理所八百八十里管兵雁門郡去理所五百里蔚州地界定襄郡去理所八百八十里管兵雁門郡去理所五百里

太原縣在東城汾水貫中城南流。

府境東四
南北

八到西南至上都一千二百六十里。
東南至儀州三百四十五里。
西南至沁州三百四十里。

東南至趙州五百六十里。
北至忻州一百八十里。

正南至微東至潞州四百五十里。
東北至恆州五百里。

貢賦開元賦元貢賦麻布。人參。黃石鍾。柏子仁。蒲萄。甘草。龍骨。特生草。銅鏡。

管縣十三 太原 晉陽 榆次 清源 壽陽 太谷 祁縣 文水 交城 廣陽 陽曲 孟

縣 樂平

太原縣赤郭下。
開元戶二萬一千六百五十六。
元和戶 鄉四十。

墾田

本漢晉陽縣地。高齊河清四年。自今州城中移晉陽縣於汾水東。隋文帝開皇十年。移晉陽縣於州城中。仍於其處置太原縣。屬并州。大業三年。罷州。置太原郡。縣仍屬焉。隋末。移入州城。貞觀十二年。還遷於舊理。在州東二百六十步。

理。在州東二百六十步。

牢山一名看山。在縣東北四十五里。後魏書曰：劉聰遣子粲襲晉陽，猗盧救之，遂獵牢山，陳閱皮肉，山爲之赤。其山出金鉶。

潛邱在縣南三里。爾雅曰：晉有潛邱。隋開皇二年，於其上置大興國觀。

洞過水，東自榆次縣界流入，西去縣三十里，入晉陽縣界。

陽曲故城在縣東北四十五里。

陽直故城在縣東北二十里。開皇十六年，改陽曲縣理此。

晉渠在縣西一里。西自晉陽縣界流入，汾東地多鹹鹵，井不堪食。貞觀十三年，長史英國公李勣乃於汾河之上，引決晉渠，歷縣經鄆，又西流入汾水。

晉陽縣赤郭下。開元戶一萬二千八百八十一。鄉二十五。

本漢舊縣也。屬太原郡。至後魏並不改。按此前晉陽縣理州城中。高齊武成帝河清四年，移晉陽縣於汾水東。今太原縣理是也。武平六年，於今理置龍山縣，屬太原郡。因縣東龍山爲名也。開皇三年，罷郡置并州。十年，廢龍山縣，移晉陽縣理之。大業三年，罷州爲太原郡，縣仍屬焉。皇朝因之。在州南二里。懸甕山一名龍山，在縣西南十二里。山海經曰：懸甕之山，晉水出焉。其上多玉，其下多銅。

蒙山在縣西北十里。十六國春秋曰：前趙劉聰征劉琨，不克，略晉陽之人，踰蒙山而歸，卽謂此也。今山上

有楊忠碑爲周將討齊戰勝。隋開皇二年。追紀功烈。始建此碑。忠卽文帝之考。謚曰武元皇帝。汾水北自陽曲縣界流入。經縣東二里。又西南入清源縣界。

晉水源出縣西南懸甕山。水經注曰。晉水出懸甕山。東過其縣南。昔智伯遏晉水灌晉陽。城不沒者三版。後人踵其遺跡。蓄以爲沼。沼水分爲二派。其北瀆卽智氏故渠也。其瀆乘高東北注入晉陽城。以周灌漑。東南出城。注入汾水。其南瀆於石塘下伏流。東南出晉陽城南。又東南入於汾。今按晉水初泉出處。砌石爲塘。自塘東分爲三派。其北一派名智伯渠。東北流入州城中。出城入汾水。其次派東流經晉澤南。又東流入汾水。此二派卽酈道元所言分爲二派者也。其南派。隋開皇四年開。東南流入汾水。

洞過水。東自太原縣界流入。西入於汾。晉水下口也。水經注曰。劉琨之爲并州也。劉元海引兵邀擊之。合戰於洞過。卽是水也。今按此水出沾縣北山。沾卽今樂平縣也。水經縣西南二十五里入汾水。

晉澤在縣西南六里。隋開皇六年。引晉水溉稻田。周迴四十一里。

府城。故老傳晉并州刺史劉琨築。今按城高四丈。周迴二十七里。城中又有三城。其一曰大明城。卽古晉陽城也。左傳言董安于所築。史記云。智伯攻襄子於晉陽。決晉水灌之。城中懸釜而炊。今按城東有汾水。南流。城西又有晉水入城。而史記云。引汾水。後語云。決晉水。二家不同。未詳孰是。高齊後帝於此置大明宮。因名大明城。姚最序行記曰。晉陽宮西南有小城。內有殿。號大明宮。卽此也。城高四丈。周迴四里。又一

城。南面因大明城。西面連倉城。北面因州城。東魏孝靜帝於此置晉陽宮。隋文帝更名新城。煬帝更置晉陽宮。城高四丈。周迴七里。又一城。東面連新城。西面北面因州城。開皇十六年。築今名倉城。高四丈。周迴八里。

故唐城在縣北二里。堯所築。唐叔虞之子燮父徙都之所也。

三角城在縣西北十九里。一名徙人城。

捍胡城一名看胡城。在縣北二十三里。

受瑞壇在州理倉城中。義旗初。高祖神堯皇帝受瑞石於此壇。文曰李理萬吉。

晉陽故宮一名大明宮。在州城內。今名大明城是也。昔智伯攻趙襄子。襄子謂張孟談曰。無箭。奈何。對曰。臣聞董安于。簡主之才臣也。理晉陽公宮之垣。皆以藝蒿。楷牆之蒿。至於丈。於是發而試之。其堅則菌籬之勁不能過也。公曰。矢足矣。吾銅少。對曰。臣聞董安于之理晉陽公宮之室。皆以鍊銅爲柱質。請發而用之。則有餘銅矣。高齊文宣帝又於城中置大明宮。

竹馬府在州城中。

汾橋架汾水。在縣東一里。卽豫讓欲刺趙襄子。伏於橋下。襄子解衣之處。長七十五步。廣六丈四尺。晉祠一名王祠。周唐叔虞祠也。在縣西南十二里。水經注曰。昔智伯遏晉水以灌晉陽。其川上源。後人蓄

以爲沼。沼西際山枕水。有唐叔虞祠。水側有涼堂。結飛梁於水上。晉川之中。最爲勝處。序行記曰。高洋天保中。大起樓觀。穿築池塘。自洋以下。皆遊集焉。至今爲北都之勝。介之推祠在縣東五十里。

唐叔虞墓在縣西南十六里。

高齊相國咸陽王斛律金墓在縣西南十七里。

起義堂碑在乾陽門街。開元十一年。玄宗幸太原所立。御製并書。

晉祠碑在乾陽門街。貞觀二十年。太宗幸并州所置。御製并書。

講武臺在縣西北十五里。顯慶五年置。

榆次縣。畿西去府五十六里。開元戶一萬五千四百三十七。鄉三十。

本漢舊縣。卽春秋時晉魏榆地。左傳曰。石言於晉魏榆。注曰。魏。晉邑。榆卽州理名也。史記曰。莊襄王二年。使蒙驁攻趙魏榆。漢以爲縣。屬太原郡。後魏太武帝并入晉陽縣。宣武帝復置榆次縣。高齊文宣帝省。自今縣東十里。移中都縣理之。屬太原郡。十年。改中都縣。又爲榆次縣。三年。罷州爲郡。縣仍屬焉。皇朝因之。麓臺山俗名鑿臺山。在縣東南三十五里。

洞過水。東自壽陽縣界流入。經縣南四里。又西南入太原縣界。

中都故城。縣東十里。高齊移於廢榆次城。卽今縣理是也。

鑿臺在縣南四里。水經注曰。洞過水西過榆次縣南。水側有鑿臺。智伯瑤刳腹絕腸。折頸摺頤之處。史記曰。智氏信韓、魏。從而伐趙。攻晉陽。韓、魏殺之於鑿臺之下。說苑曰。智氏見伐趙之利。不知榆次之禍。皆謂此也。今按其臺爲洞過水所侵。無復遺跡。

原過祠俗名原公祠。在縣東九里。史記曰。智伯率韓、魏攻趙。趙襄子懼。乃奔保晉陽。原過從。後至於王澤。見三人。自帶以上可見。自帶以下不可見。與原過竹三節。莫通曰。爲我遺趙毋卹。原過旣至。以告襄子。襄子齋三日。親自剖竹。有朱書曰。趙毋卹。余霍泰山山陽侯天使也。三月丙戌。余將使汝反滅智氏。汝亦立我百邑。襄子再拜受三神之令。旣滅智氏。遂祠三神於百邑。使原過主之。

麓臺山祠俗名智伯祠。在麓臺山上。

清源縣

畿

東北至府三十九里。

開元戶

八千五百四十一。鄉十七。

元和戶

本漢榆次縣地。地理志曰。榆次有梗陽鄉。魏戊邑。按梗陽在今縣南百二十步。梗陽故城是也。自漢晉皆爲榆次縣地。後魏省榆次縣。地屬晉陽。開皇十六年。於梗陽故城置清源縣。屬并州。因縣西清源水爲名。大業二年。省。又爲晉陽縣地。武德元年。重置。汾水經縣東。去縣九里。又東南入文水縣界。

梗陽故縣城。春秋晉大夫祁氏邑也。在縣南百二十步。左傳曰：晉殺祁盈，遂滅祁氏，分爲七縣，戊爲梗陽大夫。是也。開皇十六年，於其城內置清源縣。

鷺城在縣東南二十二里。晉陽春秋曰：永嘉元年，洛陽步廣里地陷，有二鷺，色黃蒼者飛冲天，白者不能飛，蒼雜色，故夷之象。劉曜以爲己瑞，築此城以應之。

閻沒墓在縣西南三里。左傳曰：梗陽人有獄，戊不能斷，以獄上。其大宗賂以女樂，魏子將受之，魏戊謂閻沒必諫，許諾，退朝待於庭，饋入，召之，比置三歎，魏子問之，對曰：或賜小人酒，不夕食，饋始至，恐不足，中置自咎曰：豈將軍食之而不足，及饋之畢，願以小人之心屬糜而已。魏子辭梗陽人。

壽陽縣

畿

西南至府百五十里

開元戶

五千一百六十七

鄉十

本漢榆次縣地。西晉於此置受陽縣，屬樂平郡。永嘉後省。晉末山戎內侵，後魏太武遷戎外出，徙受陽之戶於太陵城南，置受陽縣，屬太原郡。受陽縣卽今文水縣是也。開皇十年，改受陽爲文水縣。又於受陽故城別置受陽縣，屬并州。卽今縣是也。大業三年，罷州爲太原郡，縣仍屬焉。武德三年，置受州，縣改屬焉。貞觀八年，廢受州，縣屬并州。貞觀十一年，更名壽陽。

方山在縣北四十里

洞過水東自樂平縣界流入，在縣南五十里。又西南入榆次縣界。

馬首故城在縣東南十五里。左傳曰：晉分祁氏之田爲七縣。韓固爲馬首大夫，卽其地也。

神武故城，後魏神武郡也。在縣北三十里。周廢。

太谷縣

畿 西北至府七十五里。

開元戶一萬五百九十，鄉二十。

本漢陽邑縣地，屬太原郡。今縣東十五里陽邑故城是也。後漢明帝以馮魴爲陽邑侯。後魏太武帝省。景明二年，復置陽邑縣，屬太原郡。卽今縣是也。高齊及周同。開皇三年，罷郡，屬并州。十八年，改陽邑爲太谷縣。因縣西太谷爲名。大業三年，罷州，爲太原郡，縣仍屬焉。武德三年，分并州之太谷、祁二縣於此置太州。六年，省太州，復以太谷、祁縣屬并州。

白壁嶺在縣北七十五里。

蔣谷水，今名象谷水。源出縣東南象谷，經縣北四里，北入清源縣界。

陽武故城在縣東南十五里。

咸陽故城在縣西南十里。秦伐趙，築之。以咸陽兵戍之，因名。

蘿磨亭，俗名落漠城。在縣西北十九里。

祁縣

畿 北至府一百里。

開元戶一萬五千七百八十二，鄉三十。

本漢舊縣。卽春秋時晉大夫祁奚之邑也。左傳曰：晉殺祁盈，遂滅祁氏，分爲七縣。以賈辛爲祁大夫。注曰：

太原祁縣也。按漢祁縣在東南五里。故祁城是也。後漢迄後魏並不改。高齊天保七年省。開皇十年重置。屬并州。武德二年改屬太州。六年省太州還屬并州。

幘山在縣東南六十里。

胡甲水一名太谷水。東南自潞州武鄉縣界流入。又南入汾州平遙縣界。

故祁城漢祁縣地也。在縣東南五里。晉大夫賈辛邑。水經注曰。賈辛以貌醜。妻不爲言。與之如皋。射雉中之。妻乃笑。按左傳。魏獻子謂賈辛曰。昔賈大夫惡。取妻而美。三年不言。御以如皋。射雉獲之。其妻始笑而。言。注曰。賈國之大夫。以此而言。則辛非射雉者。酈道元所引爲謬。

趙襄子城在縣西六里。

雲州故城。後魏雲州城也。在縣西二十里。孝武帝永熙中。寄理并州界。謂此也。

祁奚墓在縣東南七里。

後漢溫序墓在縣西北十四里。序本祁人。死葬洛陽。有子夢序云。久客思故鄉。乃反葬焉。

後漢周黨墓在縣東南十四里。黨廣武人。世祖引見。伏而不謁。

高齊唐邕墓在縣東南七十里。碑云。齊尙書令晉昌王。

文水縣。

畿

東北至府百一十里。

開元戶

一萬二千六百六

鄉二十三

本漢大陵縣地。屬太原郡。今縣東北十三里大陵故城是也。後魏省。仍於今理置受陽縣。屬太原郡。開皇十年。改受陽縣爲文水縣。因縣西文谷水爲名。皇朝因之。天授元年。改爲武興縣。神龍元年。復爲文水縣。城甚寬大。約三十里。百姓於城中種水田。

汾水東北自清源縣界流入。經縣東十五里。又西南入汾州隰城縣界。

文水西北自交城縣界流入。經縣西。又南入隰城縣界。

大陵城。漢大陵縣也。在縣東北十里。史記曰。趙武靈王游大陵。夢處女鼓琴而歌。異日。數言所夢。想見其狀。吳廣聞之。因進孟姚焉。

平陶城。漢平陶縣城也。在縣西南二十五里。屬太原郡。後魏改爲平遙縣。後西胡內侵。遷居京陵塞。在今汾州界。

大于城。在縣西南十一里。本劉元海築。令兄延年鎮之。胡語長兄爲大于。因以爲名。

交城縣。畿東北至府八十里。開元戶五千四百十三。鄉十二。

本漢晉陽縣地。開皇十六年。分晉陽縣置交城縣。取古交城爲名。屬并州。皇朝因之。天授二年。長史王及善自山北故交城縣移就卻波村置。

少陽山在縣西南九十五里。其上多玉。其下多赤銀。高二百丈。周迴二十里。

羊腸山在縣東南五十三里。石磴縈委。若羊腸。後魏於此立倉。今嶺上有故石城。俗云太武帝避暑之所。地理志。上黨壺關亦有羊腸阪。在今潞州界。不謂此也。

狐突山在縣西南五十里。出鐵錒。

汾水西北自嵐州靜樂界流入。

文谷水出縣西南文谷。水經曰。文水出大陵縣西山文谷。按大陵縣在今文水縣北十三里。大陵故城是也。文水發源此城西北。東南流入文水縣界。行八十里。

廣陽縣

魏 西南至府三百六十里。開元月二千六百七十三。鄉五。

元和月

本漢上艾縣地。屬太原郡。後漢屬常山國。晉屬樂平郡。後魏改石艾縣。屬樂平郡。不改。開皇三年。罷郡。改屬遼州。大業三年。省遼州。後屬并州。武德三年。又屬遼州。遼州今太原府樂平縣理是也。六年。改屬受州。貞觀八年。廢受州。後屬并州。天寶元年。改爲廣陽縣。因縣西南八十里廣陽故城爲名也。浮山在縣東南三十五里。

澤發水一名阜漿水。亦名妬女泉。源出縣東北董卓壘東。今其泉初出。大如車輪。水色青碧。泉傍有祠。土人祀之。婦人衽服靚粧。必興雨電。故曰妬女。故老傳此泉中有神似鼈。晝伏夜遊。神出水隨神而涌。其水東北流入井陘縣界。

廢受州城在縣西北三十里。舊名塞魚城。武德八年，因故跡築。移受州理此。貞觀八年廢。

井陘故關在縣東北八十里。史記曰：漢二年，韓信與張耳欲東下井陘，擊趙王。成安君陳餘聚兵井陘口，二十萬。廣武君李左車說成安君曰：井陘道狹，車不得方軌，騎不得成列。假臣奇兵三萬，從間道絕其輜重，不至十日，兩將之頭可致戲下。餘不從，故敗。今按井陘亦名土門。

盤石故關在縣東北七十里。

葦澤故關在縣東北八十里。

董卓壘在縣東北八十里。水經注曰：澤發水出董卓壘東。

妬女祠在縣東北九十里。澤發水源。

陽曲縣畿南至府七十里。開元戶八千一百二十二。鄉十六。

本漢舊縣也。屬太原郡。黃河千里一曲，當其陽，故曰陽曲。按此前陽曲縣，今忻州定襄縣是也。後漢末，移於太原縣北四十五里。陽曲故城是也。後魏又移於今縣南四里陽直故城。開皇三年，改爲陽直縣。十年，又移於今縣東北四十里汾陽故縣。十六年，改陽直縣爲汾陽縣。因漢舊名也。煬帝又改爲陽直縣。移理木井城。卽今縣理是也。武德三年，又於今縣西十五里分置汾陽縣，屬并州。七年，省陽直縣，改汾陽爲陽曲縣。因漢舊縣也。

方山在縣東六十里。

汾水西自交城縣流入。經縣西南。去縣三十里。又東南入太原縣界。

縣城故木井城也。東魏孝靜帝築。城中有井。以木爲甃。因名之。

狼孟故城在縣東北三十六里。史記曰。始皇十五年。大興兵至太原。取狼孟。是也。漢以爲縣。屬太原郡。晉末省。按城左右狹澗幽深。南面大壑。俗謂之狼馬澗。舊斷澗爲城。今餘壁猶存。

故孟城。漢孟縣也。本春秋時晉大夫祁氏邑。在縣東北八十里。左傳曰。晉殺祁盈。遂滅祁氏。分爲七縣。以孟景爲孟大夫。漢以爲縣。

石嶺鎮在縣東北七十里。

孟縣畿。西南至府二百二十里。開元戶五千二百七十六。鄉十。

本漢舊縣。屬太原郡。後漢及晉不改。按此前孟縣在今縣西南陽曲縣東北八十里。故孟縣城是也。後魏省。地屬石艾縣。開皇十六年。分石艾縣置原仇縣。屬遼州。因原仇故城爲名。卽今縣是也。大業二年。改原仇爲孟縣。因漢舊名。屬并州。皇朝因之。武德三年。割并州之孟。壽陽二縣於此。置受州。貞觀八年。省受州。孟縣復屬并州。

白馬山在縣東北六十里。山海經曰。白馬之山。其陽多玉石。其陰多鐵及赤銅。木馬之水出焉。山上有白

馬關後魏所置。

原仇山在縣北三十里。出人參鐵鏹。縣取此山爲名。

滹沱水西自代州五臺縣界流入。南去縣百里。

縣城本名原仇城。亦名仇由城。按韓子曰。智伯欲伐仇由。國道難不通。鑄大鍾遺之。仇由大悅。除塗將內之。赤章曼支諫不聽。斷穀而馳。仇由以亡。蓋其地也。

樂平縣。

魏

西南至府三百里。

開元

戶二千六百八十九。

鄉五。

本漢沾縣。屬上黨郡。晉於此置樂平郡。沾縣屬焉。又別置樂平縣。後魏太武帝省樂平郡及縣。晉孝明帝於今儀州和順縣重置樂平郡及縣。高齊移理沾城。卽今縣是也。開皇十六年。於此置遼州。縣屬焉。大業二年。省遼州。以樂平屬并州。皇朝因之。武德六年。屬受州。貞觀八年。省受州。縣改屬并州。少山一名河逢山。在縣西南三十里。福地記曰。河逢山在樂平沾縣。高八百丈。可避兵水。此卽恆山之佐命也。

沾嶺在縣西三十里。

清漳水出縣西南少山。山海經曰。少山。清漳水出焉。今按清漳出樂平。濁漳出潞州。長子縣界。縣城卽漢沾縣城也。隋文帝更加修築。

昔陽故城一名夕陽城在縣東五十里左傳曰晉荀吳假道於鮮虞遂入晉陽滅肥子緜皋歸七國時趙戍於此

汾州西河 開元月五萬三千七十六 鄉一百一十四
元和月八千三百四

禹貢冀州之域其在虞舜十二州及周皆屬并州春秋時為晉地後屬魏謂之西河子夏居西河吳起為西河守皆謂此也秦屬太原郡漢武帝元朔四年置西河郡領縣三十六理富昌縣是也後漢徙理離石即今石州離石縣也獻帝末荒廢魏黃初二年乃於漢茲氏縣置西河郡即今州理是也晉惠帝時為劉元海所攻破郡遂廢後魏孝文帝太和八年復於茲氏舊城置西河郡屬吐京鎮按吐京鎮今隰州西北九十里石樓縣是也十二年改吐京鎮為汾州西河郡仍屬焉明帝時為胡賊所破因北移西河郡理平陽界高齊又於此城置南朔州周武帝廢南朔州宣帝於此置汾州大業三年廢汾州還於隰城縣置西河郡皇朝初改為浩州武德三年又改浩州為汾州

州境東四一百六十四里
南二百八十五里

八到東南至東都九百三十里
西南至上都一千九十里

東至太原府一百七十里
東南至沁州二百六十里
西北至石州一百六十里
東至潞州四百四十里

西南至隰州二百七十里。

貢賦。開元貢。龍鬚。燕。石膏。麻布。菽。粟。

管縣五。西河。孝義。介休。靈石。平遙。

西河縣。望郭下。開元戶一萬二千三百七十五。鄉二十五。

本漢茲氏縣也。曹魏於此置西河郡。晉改爲國。仍改茲氏縣爲隰城縣。上元元年改爲西河縣。今城內有晉西河王斌碑。文字殘缺。

謁泉山在縣東北四十里。上有石室。去地五十餘丈。頂上平地可千頃。相傳以爲子夏石室。比干山在縣北一百一十里。

文湖一名西河泊。在縣東十里。多蒲魚之利。

八門城在縣北十五里。劉元海遣將喬嵩攻西河。築營自固。營有八門。因名。

卜商祠在縣北四十里。

孝義縣。緊。西北至州三十五里。開元戶一萬六百八十六。

本漢茲氏縣地。曹魏移西河郡中陽縣於今理。永嘉後省入隰城。後魏又分隰城於今靈石縣東三十里。置永安縣。貞觀元年以縣名與涪州縣名同。改爲孝義。因縣人郭興有孝義。故以名焉。

勝水在縣南一里。

圍城在縣西北十八里。後魏築以防稽胡。其城紆曲。故名圍城。

魏文侯墳在縣西五里。

段干木墓在縣東北二十五里。

介休縣。望西北至州六十五里。開元戶一萬一千三百八十三。鄉二十二。

本秦漢之舊邑。在介山西。因名之。後魏明帝時。爲胡賊所破。至孝靜帝。更修築。遷朔州軍人鎮之。因立爲南朔州。但領軍人。不領郡縣。其介休縣仍屬汾州。高齊省介休入永安縣。周武帝省南朔州。復置介休縣。宣帝改介休爲平昌縣。隋開皇末。又改平昌爲介休縣。義甯元年。於縣置介休郡。武德元年。改郡爲介州。貞觀元年。廢。以縣屬汾州。

介山在縣西南二十里。

雀鼠谷在縣西十二里。

汾水在縣北十二里。

鄆城泊在縣東北二十六里。周禮并州之藪。曰昭餘祁。卽鄆城泊也。

郭林宗墳在縣東三里。周武帝時。除天下碑。唯林宗碑詔特留。

靈石縣。上。北至州百二十里。開元戶三千七百三十一。鄉八。

本漢介休縣地。隋開皇十年。因巡幸開道得瑞石。遂於谷口置縣。因名靈石。皇朝因之。

介山在縣東四十二里。

汾河在縣北十步。深一丈。闊三丈。

賈胡堡在縣南三十五里。義甯元年。義師次於霍邑。隋將宋金剛拒不得進。屯軍此堡。有霍山神見靈事。

已具於霍邑縣敘事。

平遙縣。望。西北至州八十里。開元戶一萬八千九百七。鄉三十八。

本漢平陶縣地。屬太原郡。後漢隸西河郡。魏以太武帝名。改平陶爲平遙。隋屬西河郡。義甯元年。於介

休縣置介休郡。以平遙縣屬焉。武德元年。於此置介州。縣屬不改。貞觀元年。省州。縣屬汾州。

麓臺山在縣東南五十二里。

京陵故城在縣東七里。漢京陵縣。晉九原地也。禮記注云。九原。晉卿大夫之墓地也。

中都故縣在縣西十二里。屬太原郡。漢文帝爲代王。都於此。

沁州。陽城。開元戶六千五百八十八。鄉一十三。中下。元和戶二千二百二十。鄉一十三。

禹貢冀州之域。春秋時。其地屬晉。戰國時屬韓。在秦爲上黨郡地。今州卽漢上黨郡之穀遠縣地也。開皇

十六年於此置沁州因州東沁水為名大業二年省沁州武德元年重置

州境東四一百五十里
南二百六十四里
北一百六十四里

八到西南至上都一千二十里
東南至東都六百三十里

西南至晉州二百九十里
西北至汾州二百六十里

東北至太原府三百四十里
西至晉州霍邑縣一百五十里

東北至潞州三百三十里

貢賦開元貢 龍鬚席
賦 麻布

管縣三 沁源 和川 絳上

沁源縣中郭下 開元戶二千二百五十四 鄉五

本漢穀遠縣地舊在今縣南百五十里孤遠故城是也語音訛轉故以穀為孤耳後魏莊帝於今理置沁

源縣因沁水為名也屬義甯郡開皇三年罷郡縣屬晉州十六年置沁州縣屬焉

霍山一名太岳在縣西七十八里

沁水自縣上縣界流入在縣東一里

和川縣中下 北至州七十里 開元戶二千八十 鄉四

本漢穀遠縣地。後魏莊帝於今縣南九里置義甯縣。屬義甯郡。開皇三年罷郡。改屬晉州。十六年置沁州。縣屬焉。十八年改爲和川縣。大業三年省。武德元年重置。

烏嶺在縣西十六里。

沁水在縣東十里。

奔波水在縣東八十步。

冀缺墓在縣南三十六里。

縣上縣。中下。西南至州七十六里。開元戶一千八百一十五。鄉四。

本漢穀遠縣地。開皇十六年置縣上縣。屬沁州。以縣西界有縣上地。因以爲名。

羊頭山一名謁戾山。在縣東北五十里。沁水所出。

沁水一名少水。出縣東南二十四里。覆餗山。左傳曰。齊侯伐晉。封少水爲京觀也。

霍山在縣西南八十里。

儀州。樂平。開元戶七千九百七十五。鄉一十九。下。元和戶一千六百五十一。鄉二十。

禹貢冀州之域。春秋時其地屬晉。戰國屬韓。秦爲上黨郡地。今州卽漢上黨郡之涅氏縣地也。後漢於此置陽阿縣。屬上黨郡。晉改爲轅陽。屬樂平郡。後魏改轅陽爲遼陽。隋開皇十六年於轅陽故城置遼山縣。

屬并州。卽今州理是也。武德三年於此置遼州。八年改爲箕州。因遼山縣界箕山爲名。先天元年以與玄宗諱同聲改爲儀州。因州東夷儀嶺爲名也。

州境。東二百五十里。西北一百九十五里。

八到。西南至上都一千六百四十里。西至太原府七百八十里。

西至太原府三百四十五里。西至太原府祁縣三百里。

正東至微南至洛州三百六十里。南至潞州二百一十里。

北至太原府樂平縣一百十里。

貢賦。元和貢。人參三十兩。

管縣四。遼山。榆社。平城。和順。

遼山縣。中郭下。開元戶二千一百九十。鄉五。

本漢涅氏縣地。後漢於此置陽阿縣。屬上黨郡。晉改爲轅陽縣。屬樂平郡。後魏明帝改爲遼陽。開皇十六年改置遼山縣。因縣西北遼山爲名。皇朝因之。

箕山在縣東四十五里。上有許由冢。按司馬遷傳曰。余登箕山。上有許由冢。則在今洛州陽城縣。不當在此。

玉指山在縣東五十里。

祝融祠在縣北二里。

榆社縣。中東至州百十里。開元戶二千七百十。鄉六。

本漢涅氏縣地。晉於今縣西北三十五里置武鄉縣。屬上黨郡。石趙時改屬武鄉郡。開皇十六年於此置榆社縣。屬韓州。因縣西北榆社故城爲名。大業二年省。義甯二年又置。武德三年於縣置榆州。縣屬焉。六年廢榆州。以縣屬遼州。後屬儀州。縣城故武鄉城也。石勒時築。前趙錄曰。石勒上黨武鄉人。僭號後還。令曰。武鄉吾之豐沛。其復之三世。

石勒漚麻池在縣北三十里。卽勒微時與李陽所爭處。今枯涸。纔有處所。

平城縣。下東南至州六十里。開元戶九百五十四。鄉三。

本漢涅氏縣也。晉置武鄉縣。地屬焉。開皇十六年於趙簡子所立平都故城置平城縣。屬遼州。大業三年改屬并州。武德三年改屬榆州。六年省榆州。改屬遼州。貞觀八年改屬箕州。先天元年改屬儀州。八賦嶺在縣西南三十里。武鄉水所出。

和順縣。中南至州八十五里。開元戶二千一百二十九。鄉五。

本漢沾縣地。卽韓之闕與邑也。史記曰。秦伐韓闕與。趙惠文王使趙奢救之。大破秦師。卽此地也。開皇十

年於今理置和順縣屬并州因縣東北和順故城以爲名。

九京山在縣西十里。

清漳水在縣北。

元和郡縣圖志卷十三考證

河東道二

太原府

官本下注并州。此脫。南本增。

川曰滹沱。漚夷府。

今周禮作川曰庠池。嘔夷。

六名。

御覽引上有太康二字。誤。

居於大林。

今左傳大作曠。

周公請封之。

今史記周公作史佚。呂氏春秋以爲周公事。地理志注應劭述韓詩外傳與此略同。史記疑卽韓詩之誤。

至成公。

按史記公宜作侯。

六年以太原二十一縣。

漢書本紀二作三。

沮授。

按魏志宜作牽招事詳本傳樂史作牽招御覽引同。

天授元年罷都督府置北都。

天授新舊書及會要並作長壽罷樂史及舊志並作兼誤會要云長壽元年置北都改爲太原府都督

爲長史。

管兵二萬人馬五千五百匹。天兵軍注

舊志二萬作三萬無五百二字五千官本作九千恐誤。

馬一千二百匹。雲中郡守捉注

舊志作馬二千匹。

管兵九千五百人。大同軍注

舊志作四千人疑誤。

張加貞。橫野軍注。

加宜作嘉。官本是。

管兵七千八百人。

舊志作三千人疑誤。

管兵三千人。定襄郡注。

舊志作七千八百人疑誤。

按會要河東統有清塞軍貞元十五年置。此與舊志皆未詳疑有闕略。

元和戶。太原縣下。

官本無此三字。按云前各府州有戶鄉數。而各縣皆無。自此以下各縣有開元戶鄉。而不及元和後。仍有併開元不載者。決非斯志原本參差。皆由傳寫遺缺。

墾田。

官本無。按各鎮州宜有墾田條。此志多佚缺。各縣無載墾田者。率因傳寫錯訛。

二百六十步。縣敘。

二下官本有里字。

洞過水。本條

水經注作同過。一作同澗。下同。

劉元海。晉陽縣洞過水條

水經注原作劉淵。此避稱字。

於晉陽。未詳孰是。府城條

晉陽下南本有引汾水灌其城。城不浸者三版。春秋後語云。智伯攻晉陽云云二十二字。此脫。孰是。下

官本按云。史記趙世家作引汾水。韓世家亦作決晉水。

徙人城。三角城條

官本徙作徒。

則菌籥之勁。晉陽故宮條

菌宜從竹。本禹貢。從艸者音義迥別。樂史並誤。

貞觀二十年。晉祠碑條

官本十下有二字。按新舊本紀並無二十二年幸并州之文。疑誤。樂史同。

西去府。榆次縣注。

去宜作至。

卽州理名也。縣敘。

理宜作里。水經注服虔曰魏晉邑榆州里名也。此志所本。

使蒙鰲攻趙魏榆。

史記鰲作鰲。魏榆作榆次。

十年改中都縣又爲榆次縣。三年罷州爲郡。

十年三年文不相屬。疑十年上脫開皇。三年上脫大業。隋志云齊曰中都。開皇中改榆次。又本紀大業

三年罷州爲郡。

竹三節。原過祠條。

史記及水經注三均作二。南本改。

入文水縣界。清源縣汾水條。

官本文作汾誤。

晉陽春秋。鷲城條。

春字疑衍。晉避太后諱，以陽字代。樂史作晉陽秋。

蒼雜色故夷之象。

樂史作黃蒼雜色，胡夷之象。此疑脫誤。

於此置太州。太谷縣敘。

官本太作泰。樂史同。按新舊志並作太。泰字恐誤。後仿此。

陽武故城。本條。

武官本作邑。此誤。南本改。

羅蔭亭。本條。

官本蔭作摩。南本改。樂史同。此本水經注字疑通。

在東南五里。祁縣敘。

錢坫引五作十五。程恩澤所引同。下仿此。

永熙中。雲州故城條。

地形志作永昌誤。

文水。文水縣本條。

本縣敍及交城縣本條並作文谷水此疑脫

東北十里大陵城條

縣敍十下有三字交城縣文谷水條同錢坫引亦作十三樂史作縣北十三里此脫三字

天授二年交城縣敍

舊志二作元

縣北十三里文谷水條

前兩見北上有東字此疑脫

三百六十里廣陽縣注

官本三作二廣陽今平定州治此恐誤

大業三年縣敍

三宜作二按隋書本紀大業二年省併天下州縣三年罷州爲郡樂史作二年與史合

澤發水本條

澤本作濯或作畢水經注俗本多誤作澤以形近也樂史引水經作畢御覽引圖經作澤畢澤字通詩經澤沸濫泉說文作畢是也顧祖禹云澤發水一名畢發水莫究厥旨洪亮吉作澤發水將轉相傳引

去本愈遠矣宜改正。

按城左右。陽曲縣狼孟城條

官本按作樓誤。

東北八十里。故孟城條

官本及錢坵所引並無八字。

以孟景爲孟大夫。

左傳孟景作孟丙。水經注作孟丙。地理志孟晉大夫孟丙邑。段玉裁曰大字孟小字孟。廣韻晉有孟丙。以邑爲姓非也。樂史與此同。又按唐高祖父諱昉兼避丙字。

東北六十里。孟縣白馬山條

洪亮吉引六作八。

本漢沾縣屬上黨郡。樂平縣條

官本下注沾音念反南本增。

晉於此置樂平郡。

按地形志樂平郡縣本後漢獻帝分置。水經注同。樂史及輿地廣記並沿此誤。洪亮吉日建安中置與

地形志合。

晉孝明帝。

晉字宜衍。官本無。

昔陽故城云云。條本

此沿杜預之誤。肥國都昔陽。宜在今藁城縣西南。班固曰。肥纍故肥子國。是也。沾縣今之樂平鄉。使肥國都此。則左傳云。假道鮮虞。遂入昔陽。迂遠極矣。鮮虞在今新樂西南。距樂平三百餘里。晉入昔陽。何必假道。

遂入晉陽。

官本作昔陽。此誤。

滅肥子縣臬歸。

肥下宜脫以肥字。

於此置汾州。大業三年廢汾州。汾州

汾宜作介。隋志西河郡注。後周改曰介州。樂史云。後周曰介州。隋初亦如之。大業中廢州。後爲西河郡。

麻布。開元

官本作布。麻本二物。此誤併為一。

可千頃。四河縣謁
泉山條

官本千作十。南本改。此疑誤。

郭興。李義
縣敘

樂史作鄭興。顧祖禹亦作鄭興。

二十五里。段千
木條

官本二作一。疑脫。樂史與此同。

本秦漢之舊邑。介休
縣敘

按地理志。介作界。水經注同。

魏以太武帝名熹。平遙
縣敘

魏上脫後字。

東北至潞州三百三十里。沁州八
到下

北官本作南。此誤。三百三十。潞州作二百一十。

麻布。開元
賦

官本作布。麻此誤合爲一。

百五十里。沁源縣敘

里。樂史作步是。

西南至州。緜上縣敘

官本無西字。

開皇十六年。儀州敘

隋志無六字。樂史同。遼山縣敘仿此。

三百六十里。八到

洛州八到十下有四字。

二百一十里。

官本二作三。與潞州八到合。南本改。此脫。

一百十里。

宜作一百六十里。官本作二百六十。亦非。

玉指山。遼山縣本條

玉官本作五。是樂史引李穆叔趙記云。遼陽東北有五指山。巖石孤聳。上有一手一足之迹。其大如箕。指數俱全。

屬韓州。榆社縣敘

官本州下注曰。今潞州襄垣縣理是也。此脫南本增。

其復之三世。

世字恐未的。樂史作葉。宜是。此志原文。

六十里。平城縣下

官本六作九。樂史同。

卽韓之關與邑也。史記曰。秦伐韓。關與。和順縣敘

此本水經注。戴震本韓作趙。於地近實。按志文。關與凡三見。以此屬韓。以銅鞮縣關與城屬趙。均恐未的。其一則武安縣之關與山。亦云趙奢戰處。蓋沿隋志及括地志諸說。皆唐人誤會史記之文。未足據也。程恩澤辨之甚析。互詳武安縣。

元和郡縣圖志卷第十四

河東道三

嵐州 石州 忻州 代州 蔚州 朔州 雲州

嵐州樓煩 開元戶一萬七百二十六 鄉二十二
下 元和戶六千三百八十二 鄉三十三

禹貢冀州之域。周并州之域。春秋時屬晉。晉滅後爲胡樓煩王所居。趙武靈王破以爲縣。秦爲太原郡地。在漢卽太原郡之汾陽縣地也。漢末大亂。匈奴侵邊。自定襄已西盡雲中。雁門。西河之間。遂空。建安中。曹公糾率散亡。立新興郡。晉末。陷劉元海。後魏於今理置嵐州。因州西岢嵐山爲名也。大業四年。於靜樂縣界置樓煩郡。因漢樓煩縣爲名。隋亂。陷賊。武德四年。平劉武周。置東會州。六年。省東會州。重置嵐州。天寶元年。改爲樓煩郡。乾元元年。復爲嵐州。

州境。東四百一十里。南二百七十八里。

八到。南至上都。取太原路。一千五百八十里。取石隰路。一千三百七十五里。東南至東都。一千二百一十里。

東至忻州。二百四十里。
西至黃河。一百八十里。河上有合河關。從關西至麟州。一百二十里。
南至石州。二百四十里。
東北至朔州。三百七十四里。

東南至太原府三百三十里。

東北至代州三百里。
貢賦 開元貢 熊皮 石蜜 布 麻

管縣四 宜芳 靜樂 合河 嵐谷

宜芳縣上 郭下 開元戶五千五百二十四 鄉十

本漢汾陽縣地。屬太原郡。後魏於此置崑嵐縣。開皇十八年。改為汾源縣。大業四年。改汾源為靜樂縣。八年。分靜樂置嵐城縣。屬樓煩郡。武德四年。改為宜芳縣。

崑嵐山在縣北九十八里。高二千餘丈。西北與雪山相接。

崑嵐鎮在縣西北九十八里。

秀容故城在縣南三十里。劉元海感神而生。姿容秀美。因以為名也。

靜樂縣上 西至州四十五里 開元戶三千四百八十七 鄉七

本漢汾陽地。城內有堆阜三。俗名三堆城。開皇三年。省。自今宜芳縣北移崑嵐縣於三堆城。十八年。改為汾源縣。大業二年。改為靜樂縣。武德四年。於縣置北管州。因管涔山為名。六年。省。縣屬嵐州。

管涔山在縣北一百三十里。汾水源出焉。初劉曜隱於此山。山神使二童子獻劍於曜曰。管涔山王使謁趙皇帝獻劍。

伏戎城在縣北八十里。隋樓煩郡所理也。

隋汾陽故宮在縣北一百二十里。

樓煩關在縣北一百五十里。

天池在縣北燕京山上。周迴八里。陽旱不耗。陰霖不溢。故老言嘗有人乘車。風飄墮池。有人獲車輪於桑乾泉。後魏孝文帝以金珠穿魚七頭。放此池。後亦於桑乾泉得之。隋煬帝嘗於池南置宮。每夜風雨吹破。竟不成。今池側有祠。謂之天池祠。

合河縣。中。東至州一百八十里。開元戶一千八百五十九。鄉四。

本漢汾陽縣地。後魏於蔚汾谷置蔚汾縣。屬神武郡。開皇三年。罷郡。縣屬石州。大業二年。改爲臨泉縣。四年。屬樓煩郡。武德七年。改爲臨津縣。屬嵐州。貞觀元年。改爲合河縣。以城下有蔚汾水。西與黃河合。故曰合河。

黃河在縣西二里。

合河關在縣北三十五里。

蔚汾關在縣東七十里。

隋長城起縣北四十里。東經幽州。延袤千餘里。開皇十六年。因古蹟修築。

嵐谷縣。中。南至州九十里。開元戶四千六百五十七。鄉九。

隋大業三年置。岢嵐鎮。壓草城川賊路。長安三年於此置嵐谷縣。景龍年廢。開元十二年置。因嵐谷為名。

石州。昌化。開元戶九千二百六十二。鄉三十二。

禹貢冀州之域。虞及周屬并州。春秋時屬趙。亦為白狄之地。今步落稽其冑也。在秦為西河郡之離石縣。

靈帝末黃巾大亂。百姓南奔。其郡遂廢。魏黃初三年復置離石縣。晉惠帝末劉元海起於河西。攻陷郡縣。

其離石又沒於賊。石勒時改為永石郡。後魏明帝改為離石鎮。高齊文宣帝於城內置西汾州。周武帝改

為石州。大業二年又為離石郡。武德元年改為石州。五年置總管。七年改為都督。貞觀六年復為石州。

州境。東西一百九十里。南北三百三十里。

八到。西南至上都一千二百五十里。東南至東都一千九十里。

東南至汾州一百六十里。西渡河至綏州二百三十里。

正南微東至隰州二百五十里。北至嵐州二百五十里。

貢賦。開元賦。麻。布。龍鬚。席。五領。麝香。蜜。蠟。

管縣五。離石。平夷。定胡。臨泉。方山。

離石縣。中。郭下。開元戶二千七百七十三。鄉五。

本漢舊縣也。屬西河郡。縣東北有離石水。因取名焉。漢末荒廢。魏黃初復置。後陷劉元海。石勒改爲永石郡。高齊文宣帝於此置昌化縣。屬懷政郡。後周復爲離石。屬石州。隋氏不改。皇朝因之。離石山今名赤洪嶺。在縣西五十步。高歡大破爾朱兆於赤洪嶺。蓋此處也。

盧城在縣東二十里。晉并州刺史劉琨所築。以攻劉曜。

平夷縣。中東至州五十一里。開元戶一千五百七十一。鄉四。

本漢離石縣地。周宣帝割縣西五十一里置平夷縣。屬石州。隋氏不改。皇朝因之。

黃河西去縣四十五里。

甯鄉水在縣西南一百五十步。

定胡縣。中東至州九十五里。開元戶二千六百九。鄉五。

本漢離石縣地也。周宣帝大象元年於此置定胡縣。隋因之。武德三年於縣置西定州。貞觀二年廢州。置

孟門縣。七年廢縣爲孟門鎮。八年廢鎮復爲定胡縣。

黃河去縣西二百步。

孟門鎮在縣西一百步河東岸。

臨泉縣。中下南至州一百七十里。開元戶一千五百九十六。鄉五。

本漢離石縣地。周大象元年。於此置烏突郡。烏突縣。隋開皇元年。改烏突郡爲太和郡。烏突縣爲太和縣。三年。廢郡。以太和縣屬石州。武德三年。改太和爲臨泉縣。

臨泉水在縣北一百步。縣因此水爲名。

黃河在縣北二十里。

方山縣。中。南至州九十里。開元戶一千三百五十三。鄉四。

本漢離石縣地。高齊文宣帝於此縣北六十八里置良泉縣。屬離石郡。大業三年。移就今縣南三十五里。方山置。故名方山。貞觀十一年。移於今理。

赤洪水在縣南五十里。

三角戌在縣北七十三里。

忻州。定襄。開元戶一萬四千三百三十八。鄉二十九。元和戶四千二百四十四。

古并州之域。春秋時爲晉地。戰國爲趙地。秦爲太原郡地。今州卽漢太原郡之陽曲縣也。按漢陽曲縣在今州東四十五里。定襄縣理是也。後漢末大亂。匈奴侵邊。自定襄已西盡雲中。雁門之間。遂空。曹公立新興郡以安集之。理九原。卽今州是也。後魏宣武帝又於今州西北十八里故州城移肆州理此。因肆盧川爲名也。開皇十八年。改置忻州。因州界忻川口爲名也。大業二年。省忻州。義旗初。又置新興郡。武德元年。

廢郡復置忻州二年陷劉武周四年武周平依舊置忻州

州境東四一百四十五里
南八十六里

八到西南至上都一千四百四十里
南至東都一千七十里
東北至代州一百六十里
西至嵐州二百四十里

南至太原府一百八十里

貢賦開元貢麝香扇十三枝
賦麻布

管縣二 秀容 定襄

秀容縣上郭下 開元戶七千一百三十八 鄉十一

本漢陽曲縣地屬太原郡後漢末於此置九原縣屬新興郡後魏莊帝於今縣東十里置平寇縣開皇十八年於此置忻州又於今縣西北五十里秀容故城移後魏明元所置秀容縣於今理屬忻州國朝因之
漳沱水在縣東三十二里

定襄縣上 東至州四十五里 開元戶五千五百三十二 鄉一十七

本漢陽曲縣屬太原郡黃河千里一曲縣當其陽故曰陽曲後魏末移陽曲縣於太原界仍於此城置定襄縣屬新興郡高齊省武成帝移平寇縣於此開皇十年移平寇於崞城今代州崞縣是也武德四年分

秀容縣於漢陽曲城重置定襄縣。

聖阜今名聖人在縣東北二十里石上手足跡猶存。

澹沱水西自秀容縣界流入。

代州雁門都督府開元戶一萬五千七十七鄉二十八。

古并州之域春秋時為晉地戰國時屬趙史記曰趙襄子與韓魏共滅智伯分晉地則趙有代勾注之北。

今按勾注在州西北三十五里雁門縣界西陘山是也秦置三十六郡雁門是其一焉漢因之後漢末匈奴侵邊其地荒廢周宣帝大象元年自九原城移肆州於今理隋開皇五年改肆州為代州大業三年改

為雁門郡隋氏喪亂陷於寇境武德四年平代置代州都督府。

州境東三百二十里南三百二十八里

八到西南至上都一千六百里南至東都一千二百三十里

北至朔州一百二十里西至嵐州三百里

東北至蔚州四百里東南取崩石嶺至恆州五百四十里

貢賦開元貢鵬翎五具麝香

管縣五 雁門 繁峙 五臺 唐林 崞縣

雁門縣上郭下

開元月五千二百二十一 鄉十

本漢廣武縣地。屬太原郡。後漢改屬雁門郡。開皇三年罷郡。縣仍屬肆州。後改肆州爲代州。縣屬不改。十八年改廣武縣爲雁門縣。蓋避太子之諱也。國朝因之。

夏屋山在縣東北三十五里。史記曰。趙襄子北登夏屋。誘代王。使廚人操銅料擊殺之。遂有代地。

勾注山一名西陘山。在縣西北三十里。晉咸甯元年勾注碑曰。蓋北方之險。有盧龍飛狐。勾注爲之首。天下之阻。所以分別內外也。漢高祖欲伐匈奴。不從婁敬之說。械繫於廣武。遂躡勾注。困於平城。謂此地也。河神祠在縣南。開元九年并州刺史張說奏置。

繁時縣

中

西至州六十里

開元月一千五百九十三

鄉五

本漢舊縣。屬雁門郡。漢末匈奴侵寇。舊縣荒廢。晉又置繁時縣。周省。隋開皇十八年。重置於今縣東六十里大堡戍。大業十二年移於武州城。聖歷二年。以縣在平川。難於固守。遂東移於今理。其城三面枕澗。東接峻坂。極爲險固。

秦戲山一名武夫山。在縣東南九十里。溱沔水出焉。

五臺縣

中

西北至州一百二十里

開元月二千一百六十五

鄉五

本漢慮虜縣。屬太原郡。因慮虜水爲名也。晉省。後魏孝文帝復置。卽今縣理是也。屬新興郡。高齊改屬雁

門郡。大業二年改爲五臺縣。因山爲名也。

五臺山在縣東北百四十里。道經以爲紫府山。內經以爲清涼山。

慮虜水在縣北十五里。

唐林縣。中。東北至州一百一十里。本漢廣武縣地。證聖元年分五臺、崞二縣置武延縣。唐隆元年改爲唐林縣。

滹沱水在縣東。

沙河在縣南二里。

崞縣。中。東北至州五十里。開元戶二千七百四十八。鄉五。

本漢舊縣。因山爲名。屬雁門郡。漢末荒廢。晉初又置。魏改爲崞山縣。後魏宣武帝移雁門郡理此。開皇十年移平寇縣於此。屬代州。大業二年改爲崞縣。

滹沱水在縣東二百步。

蔚州。興唐。開元戶四千八百八十七。鄉十一。元和戶一千五百六十三。鄉十二。

禹貢冀州之域。虞及周屬并州。周禮并州川曰滹夷。浸曰涑易。今滹夷在靈邱。涑易在飛狐。皆在州境。春秋時其地屬晉。戰國時屬趙。襄子殺代王。有其地。後武靈王置雲中、雁門、代郡。秦亦爲代郡。漢元年項羽徙趙王歇爲代王。二年陳餘迎歇還趙歇。又立餘爲代王。三年韓信斬陳餘。置代郡。領縣十八。東魏孝靜

帝又於此置北靈邱郡。周宣帝於今理置蔚州。大業三年罷州。置雁門郡。武德四年平劉武周。重置蔚州。

州境東北

八到西南至上都二千里。

東至東都一千六百三十里。

東至易州山路三百六十里。從關至媯州一百五十里。

東南至定州取饒蠻山路四百九十里。

東至恆州取秦嶺路四百九十里。

西至朔州二百八十里。

西至代州四百里。

北至天成軍一百八十里。

貢賦開元賦熊皮豹皮

管縣三 興唐 靈邱 飛狐

興唐縣郭下 開元戶一千四百七十二 鄉四

本靈邱縣也。開元十二年於州東北一百三十里橫野軍子城南置安邊縣。屬蔚州。天寶元年改為安邊

郡。仍自靈邱移州理於安邊城。至德二年改為興唐郡。仍改安邊縣為興唐縣。

倒刺山在縣東七十里。亦號雪山。俗傳靈仙所居。與五臺山略等。

漚夷河亦曰瓠瓠河。上槽狹。下流闊。有似瓠瓠。因名。

大葦多生於山及平野。魏孝文所種。以濟軍需。後沃壤處皆長三尺。葉廣於馬蘭。但味少短耳。
橫野軍置在州城內。

靈邱縣。中下。東北至州一百三十里。開元戶二千四百二十一。鄉五。

本漢舊縣。屬代郡。後魏省。東魏孝靜帝重置。屬靈邱郡。隋開皇三年。罷郡。縣屬蔚州。大業二年。省蔚州。改屬代州。隋末陷賊。武德二年。又置靈邱縣。屬蔚州。

太白山在縣南十里。山有鍾乳穴。其深不測。仰望穴中。乳如懸穗焉。

石銘陁嶺在縣西北八十里上。有石銘。題言冀州北界。故謂之石銘陁。

隘門山亦曰隘口。在縣東南十五里。壁立直上。層崖刺天。有石道極險陁。後魏明元帝置義倉之所。

漚夷水一名漚水。出縣西北。高是山。周禮曰。并州其川漚夷。謂此也。

茲水出縣西枝迴山。懸河五丈。湍激之聲。響動山谷。樵楫之士。咸由此度。巨木淪渚。久乃方出。或落崖石。無不粉碎也。土地記云。枝迴嶺與高是山。連麓接勢。

開皇長城西自繁時縣。經縣北七十里。東入飛狐縣界。

趙武靈王墓在縣東三十里。

飛狐縣。下。西至州一百五十里。開元戶九百九十二。鄉三。

本漢廣昌縣地。屬代郡。後漢屬中山國。晉又屬代郡。開皇三年。改屬蔚州。仁壽元年。改爲飛狐縣。因縣北飛狐口爲名也。隋末陷賊。武德六年。重置。寄理今易州遂城縣界。遙屬蔚州。貞觀五年。移還今所。

磨笄山在縣東北一百五十里。趙襄子姊爲代王夫人。襄子旣殺代王。迎其姊。夫人曰。以弟慢夫。非仁也。以夫怨弟。非義也。磨笄自刎。百姓閔之。爲立祠。

倒刺山在縣東北一百二十里。出佳大黃。

飛狐道自縣北入嬀州懷戎縣界。卽古飛狐口也。酈食其說漢王曰。杜白馬之津。塞飛狐之口。此言皆一方之阨也。又劉琨自代出飛狐口。奔於安次。亦謂此道也。

三河冶舊置鑪鑄錢。至德以後廢。元和七年。中書侍郎平章事李吉甫奏。臣訪問飛狐縣三河冶銅山約數十里。銅鑛至多。去飛狐錢坊二十五里。兩處同用拒馬河水。以水斛銷銅。北方諸處鑄錢。人工絕省。所以平日三河冶置四十鑪鑄錢。舊跡並存。事堪覆實。今但得錢本。令本道應接人夫。三年以來。其事卽立。救河東困竭之弊。成易。定援接之形。制置一成。久長獲利。詔從之。其年六月起工。至十月。置五鑪鑄錢。每歲鑄成一萬八千貫。時朝廷新收易。定河東道。久用鐵錢。人不堪弊。至是俱受利焉。

朔州。

馬邑下。

開元戶六千二百二十九。

鄉十三。

元

禹貢冀州之域。虞及周爲并州之地。春秋時爲北狄地。戰國時屬趙。秦爲雁門郡地。在漢卽雁門郡之馬

邑縣也。史記曰：匈奴圍韓王信於馬邑，信降匈奴。按馬邑即今州理是也。漢末大亂，郡遂荒廢。建安中，曹公又立馬邑縣，屬新興郡。晉改屬雁門郡。晉亂，其地為猗盧所據。劉琨表盧為大單于，封代公，徙馬邑。後魏都代，地屬畿內。孝文選洛之後，又於定襄故城置朔州。葛榮之亂，州郡又廢。高齊文宣帝又於馬邑城置朔州，即今理是也。武成帝置北道行臺，周武帝置朔州總管。開皇罷總管，大業三年罷州，為馬邑郡。皇朝改為朔州。

州境東西北九十七里

八到西南至上都一千七百二十里

東至蔚州三百五十里

北至單于大都護三百五十里

東北至雲州三百四十里

管縣二 鄯陽 馬邑

鄯陽縣中 鄯下 開元戶三千六百五十八 鄉十八

本漢馬邑縣，屬雁門郡。漢末荒廢。建安中，又置，屬新興郡。晉又屬雁門郡。晉末又廢。高齊於此置招遠縣，屬郡不改。開皇三年罷郡，改屬朔州。大業元年改為鄯陽縣。

勾注山在縣東八十里。

河水在縣西三百里。

州城本漢馬邑城也。昔秦人築城於武周塞以備胡。城將成而崩者數矣。有馬馳走周旋反覆。父老異之。因依而築。城乃不崩。遂名馬邑。

馬邑縣。中。西至州三十里。開元戶二千三百八十。鄉五。

本鄯陽縣地。開元五年。分鄯陽縣於州東三十里。大同軍城內置馬邑縣。建中年間。河中節度使馬燧權移州於馬邑縣焉。

桑乾河在縣東三十里。

雲州。雲中。開元戶三千一百六十九。鄉七。

禹貢冀州之域。虞及周屬并州。春秋時爲北狄地。戰國時其地屬趙。其後武靈王自代至高闕爲塞。而置雲中。雁門。代郡。今州卽秦雁門郡地。在漢雁門郡之平城縣也。史記曰。漢七年。韓王信亡走匈奴。上自將逐之。遂至平城。爲匈奴所圍。用陳平祕計得出。是也。漢末大亂。匈奴侵邊。自定襄以西雲中。雁門。西河。遼空。曹公鳩集荒散。又立平城縣。屬新興郡。晉又改屬雁門。晉亂。劉琨表封猗盧爲代王。都平城。後魏道武帝又於此建都。東至上谷軍都關。西至河南。南至中山隘門塞。北至五原。地方千里。以爲匈奴服。孝文帝改爲

司州牧置代尹。孝文遷都洛邑，改置恆州。孝昌之際，亂離尤甚，恆代之北，盡為邱墟。高齊文宣天保七年，置恆安鎮，徙豪傑三千家以實之。今名東州城。其年廢鎮，又置恆州。周武平齊，州郡並廢。又於其所置恆安鎮，屬朔州。自周迄隋，仍為鎮也。隋亂陷賊，武德四年平劉武周，置北恆州。七年廢。貞觀十四年，自朔州北界定襄城，移雲州及定襄縣於此。後為默啜所破，移百姓於朔州。開元十八年，復置雲州及雲中縣。

州境。東四一百七十七里，南四百九十里。

八到。西南至上都一千九百六十里，南至東都一千五百九十里。

東至靜邊軍一百八十里，西至清塞城一百二十里。

又東至天成軍六十里，又東至納降守捉九十里，與幽州分界。

貢賦。關元賦，屬翎五具，麻。

雲中縣。中本漢平城縣，屬雁門郡。漢末大亂，其地遂空。魏武帝又立平城縣，屬新興郡。晉改屬雁門郡。後魏於此建都，屬代尹。孝文改代尹為恆州，縣屬不改。隋為雲內縣，屬馬邑郡。貞觀十四年，朔州北界定襄城，移於此。後為默啜所破，移百姓至朔州。開元十八年，改置雲中縣，屬雲州。白登山在縣東北三十里。

火山在縣西五里，山有火井，深不見底，以草投之，則煙騰火發，有火井祠。

紇真山在縣東三十里。虜語紇真。漢言三十里。其山夏積雪霜。單于臺在縣西北四十餘里。漢武帝元封元年。勒兵十八萬騎出長城。北登單于臺。卽此也。

元和郡縣圖志卷十四考證

河東道三

寄嵐山嵐州

絃

官本寄下音弩。此脫南本增。

南至石州二百四十里。八到下

石州八到四作五。

三百三十里。

官本三十作二十。樂史作二百五十里。按唐州卽今嵐縣。樂說近合。

秀容故城云云。宜芳縣本條

此忻州錯簡。宜移列忻州。作縣西北五十里云云。御覽引此原屬忻州。宋初本當不誤。且志文於忻州秀容縣絃原有秀容故城云云。與嵐州相距二百餘里。不知何時華離於此。宜改正。

大業二年。歸樂縣絃

隋志作四年。

武德四年於縣置北管州。

舊志作四年置管州五年改北管州。

陽旱不耗陰霖不溢。天池條

水經注旱作燠。溢作濫。

後魏於蔚汾谷置蔚汾縣屬神武郡。合河縣敘

按地形志神武郡兩見並無蔚汾縣。隋志云臨泉縣後齊置曰蔚汾。大業四年改。

大業二年。

隋志作四年見上。

因古蹟。隋長城條

洪亮吉引蹟作趾。

景龍年廢。嵐谷縣敘

官本按云新舊書竝作神龍二年廢。

五百二十。石州元和戶

官本百作千南本改。

在秦爲西河郡。州敘

秦宜作漢地理志。西河郡武帝元朔四年置。御覽引此亦作秦。蓋宋本已然。樂史云秦爲太原郡。兩漢爲西河郡。是。

改爲離石鎮。

官本鎮作郡。樂史同。此疑誤。

大業二年。

二宜作三。

貞觀六年復爲石州。

舊志云貞觀六年又廢。天寶元年改爲昌化郡。乾元元年復爲石州。六年下宜有缺文。

一千九十里。八到
下

樂史九十作九百誤。

二百三十里。

綏州八到云二百七十里。

二百五十里。

嵐州八到云二百四十里。

東至州。平夷縣注。

樂史云平夷縣在州南五十里。李兆洛曰。今甯鄉縣。洪亮吉曰。州南微西五十里。此疑脫北字。

西去縣四十五里。黃河條。

樂史作一百四十五里。南本增。此脫。

大業三年。方山縣敘。

方山縣。隋志不詳。舊志亦云。隋縣。當本此志。足補隋志之缺。

後魏莊帝。忻州秀容縣敘。

地形志平寇縣云。真君七年。併三堆。朔方。定陽屬焉。則置平寇縣不自莊帝也。

又按地形志。秀容縣有秀容城。卽此志所謂秀容故城也。有專條。錯入嵐州。詳前。

東至州。定襄縣注。

按定襄卽今治。宜作西至州。樂史云。州東四十五里。是也。

今名聖人。聖阜條。

官本下有山字。南本作阜。此脫。

都督府代州注

官本上有中字與舊志合此脫南本增

三十五里州錢

按雁門縣句注山本條無五字

二百三十里八到

樂史二作三

五百四十里

恆州八到云五百三十里

貢賦

官本有賦布麻此脫

三十里句注山條

程恩澤引作二十里

按錢坫引有廣武故城在縣西南云云此缺

秦戲山繁時縣本條

山海經作秦戲。郝懿行注云：淮南子作魯乎。說文作戍夫。寰宇記作孤阜。戲當讀如呼。秦戲魯乎戍夫。武夫孤阜皆聲近字異也。

本漢慮虜縣。五臺縣敘

官本縣下注慮音閭。虜音夷。此脫。南本增。

屬新興郡。

地形志：永安郡有驢夷縣。當卽此。新興郡未詳。

興唐。蔚州注

御覽引作安邊郡。誤。興唐乃至德二年改。詳興唐縣敘。

四百九十里。

定州八到云四百七十里。

東至恆州取秦嶺路。

東宜作南。恆州今正定府。官本取下有方字。

二百八十里。

朔州八到云至蔚州三百五十里。官本作三百八十里。與此異。樂史作四百六十里。近合。

一百三十里。與唐縣敘。

前太原府敘注作一百四十。

葉廣於馬蘭。但味少短耳。大並條。

官本蘭作蘭。樂史同。校云蘭。原本訛蘭。據元和志改正。是此志本作蘭。南本改短。樂史作甘。南本改。

在州城內。橫野軍條。

太原府敘注云。在郡東北百四十里。此云在州城內。移置未詳。又按會要。州界有懷柔軍。先天元年八

月八日置。

後魏省。靈邱縣敘。

魏宜作漢。郡國志無靈邱。樂史云。後漢省。

高是山。溫夷水條。

此本山海經。水經注作高氏山。錢坫云。古通用。

茲水出縣西枝迴山。本條。

趙一清引茲作滋。枝作枚。

咸由此度。巨木淪渚。

趙一清引度作渡。渚作滑。南本改滑。

同用拒馬河水。飛狐縣三河治條

洪亮吉引此拒作巨。

六千二十。朔州開元月

官本二作三。

東至蔚州三百五十里。八到下

里數未的詳前。

大都護。

下脫府字。官本有。南本增。

築城於武周塞。鄴陽縣州城條

按水經注武周作武州。漢以為縣。屬雁門郡。別本作武周。誤。

鄉七。雲州元和條

宜衍官本無。

西至河南至中山。雲州統

御覽引南下有南字誤。

地方千里。

御覽千作五千恐誤。

開元十八年。

舊志作二十年。

按官本貢賦條後有管縣云云。於例爲嚴。此脫。

四十餘里。雲中縣單于臺條。

樂史作四百二十餘里。杜佑曰。百餘里。未知孰的。

元和郡縣圖志卷第十五

河東道四

澤潞節度使

潞州

上黨大都督府

開元戶六萬四千二百七十六

鄉一百三十三

今爲澤潞節度理所

管州五

潞州

澤州

邢州

洺州

磁州

磁邢洺本河北道今屬澤潞節度管內

縣三十七 都管戶二萬六千二百四十三

禹貢冀州之域。殷時爲黎國。春秋時屬晉。又兼有潞子之國。潞子嬰兒爲晉所滅。戰國時屬韓。別爲都。以其遠韓近趙。至趙孝成王時。馮亭亭以上黨降趙。復爲趙地。秦爲上黨郡地。後漢末董卓作亂。移理壺關城。卽今州理是也。周武帝建德七年。於襄垣縣置潞州。上黨郡屬焉。開皇十年。罷郡。自襄垣縣復移潞州於壺關。卽今州是也。州得名因潞子之國。武德元年。又於襄垣縣置韓州。貞觀十七年。廢。開元七年。以玄宗歷試嘗在此州。置大都督府。

州境

東西二百九十三里。南北三百三十六里。

八到西南至上都一千三百三十里

南至東都四百七十里

北至儀州三百一十里

東北至洛州四百五十里

東取穴陘嶺路至相州三百五十里

西至晉州三百九十里

東南至沁州二百八十七里

西北至沁州二百一十里

貢賦開元貢人參墨

管縣十

上黨 長子 屯留 潞城 壺關 黎城 銅鞮 鄉縣 襄垣 涉縣

上黨縣望郭下

開元戶一萬一千三百八十三 鄉二十二

本漢壺關縣也。開皇中分壺關置上黨縣。屬潞州。釋名曰黨。所也。在於山上。其所最高。故曰上黨。

鷄鳴山。一曰火山。在縣東南七十六里。

濁漳水。在縣西南二十二里。

州城。漢壺關縣也。上黨記曰。曹公之圍壺關。起土山於城西北角。穿地道於城西。內築界城以遮之。

五龍祠。在縣東南二十里。五龍山上。慕容永所立。以祭五方神。

馮亭墓。在縣西五里。

長子縣。緊。東北至州五十二里。開元戶二萬二百六十六。

漢舊縣。本春秋時地名。左傳曰：晉人執衛石買於長子，是也。慕容永僭號於此，稱西燕，爲慕容垂所滅。開皇九年，移寄氏縣理此，屬潞州。十八年，改寄氏爲長子縣。

發鳩山在縣西南六十五里，濁漳水出焉。

羊頭山在縣東五十六里。後漢安帝時，羌寇河東，以任尙爲御史，擊破於羊頭山，謂此也。

神農城。後魏風土記曰：神農城在羊頭山上，山下有神農泉，卽神農得嘉穀之所。

武訖山在縣南四十五里。風土記曰：秦趙戰於長平，趙軍敗退，秦將白起逐至此，名曰武訖山。

屯留縣。上。東南至州六十四里。開元戶八千一百六十六。鄉十七。

本晉邑。春秋曰：晉人執衛行人孫蒯於屯留，是也。漢以爲縣，屬上黨郡。高齊省，開皇中重置，屬潞州。

絳水出縣西南方山，去縣八十四里。

潞城縣。上。南至州四十里。開元戶七千四百六十四。鄉十六。

本漢潞縣，屬上黨郡。卽春秋時赤狄潞子嬰兒國也。晉滅之，後魏太武帝改潞縣爲劉陵縣，屬襄垣郡。隋

開皇十六年，於此置潞城縣，屬潞州。

黃阜山在縣西北二十五里。劉聰將綦母劼敗晉將崔恕於黃阜。

漳水一名潞水，在縣北。闕駟曰：潞水在縣北，爲冀州浸。卽漳水也。按王猛與慕容評相禦於潞川，評鬻水

與軍人絹疋水二石。則此無他。大川可以爲浸。所有唯漳水耳。故土俗尙謂濁漳爲潞水也。

武王塢在縣西北四十里。塢東有後魏天柱大將軍爾朱榮碑。文曰。建義元年。東討逆賊鎮豎葛榮。軍次上黨。武王祠東。有二狡兔從賊方而來。天柱彎弓祝之曰。中則擒葛榮。不中則否。應弦而殪。遂擒榮。

壺關縣。上西北至州三十里。本漢縣也。屬上黨郡。山形似壺。於此置關。故名壺關。開皇十六年。分壺關置上黨縣。

大業二年。省壺關併入上黨。武德四年。重置。

羊腸坂在縣東南一百六里。沾水出焉。

漢壺關三老令狐茂墓在縣東一十九里。上書明戾太子冤者。

曹公壘在縣東南一百二里。曹公攻高幹所築。

黎城縣。中西南至州百二十里。古黎國。春秋曰。晉荀林父滅潞。立黎侯而還。今縣東十八里黎侯城是也。漢爲潞縣

之地。後魏太武改潞縣爲剗陵縣。開皇十八年。改剗陵爲黎城縣。武德初。屬韓州。貞觀十七年。廢韓州。屬

潞州。

古壺關在縣東二十五里。春秋。齊國夏伐晉。取八邑。有孟口。孟口卽壺口也。聲相近。故有二名。

清漳水在縣東北五十里。

濁漳水在縣西北五十六里。

馮奉世墓及馮昭儀墓在縣東二里。

銅鞮縣。上。東至州一百五十里。本晉大夫羊舌赤邑。時號赤曰銅鞮伯華。漢以爲縣。屬上黨郡。開皇十六年。改屬沁

州。大業二年。省沁州。復屬潞州。武德六年。屬韓州。貞觀十七年。廢韓州。復隸潞州。

石梯山在縣西三十里。

關與城在縣西北二十里。史記曰。秦昭襄王攻趙關與。趙奢曰。其險狹譬如兩鼠鬪於穴中。將勇者勝。遂

破秦軍。解關與之圍。

晉銅鞮宮在縣東十五里。子產曰。今銅鞮之宮數里。

斷梁城在縣東北三十里。下臨深壑。東西北三面阻澗。廣袤二里。俗謂之斷梁城。

叔向墓在縣東十八里。

鄉縣。中。東至州一百七十里。本漢涅氏地。屬上黨郡。晉始爲武鄉縣。屬樂平郡。石氏分上黨置武鄉郡。縣屬焉。開皇

初。廢郡。屬潞州。晉縣元有武字。後草創失其舊名。

禿頂山在縣西北九十三里。

石臼嶺在縣北六十五里。

護甲水在縣西北八十里。

襄垣縣上。南至州九十三里。本漢舊縣。屬上黨郡。趙襄子所築。因以爲石。魏莊帝改屬襄垣郡。開皇十六年。於襄垣城置韓州。縣屬焉。貞觀十七年。廢州。縣屬潞州。

鹿臺山在縣南二十里。

涅水在縣西北六十里。

濁漳水在縣南二十一里。

井谷關在縣東南四十里。置在天井谷內。深邃似井。因以爲名。魏武初遷鄴。於此置關。周建德六年。廢涉縣。上。南至州一百八十里。本漢舊縣。屬魏郡。因涉河水爲名。晉屬廣平郡。後省。開皇十年。於故涉城重置涉縣。屬礪州。十六年。改屬韓州。貞觀十七年。廢韓州。縣屬潞州。

清漳水一名涉河。在縣南一里。

澤州。高平。開元戶二萬二千二百三十五。鄉五十九。上。元和戶三千五百二十七。

禹貢冀州之域。春秋時屬晉。戰國時屬韓。魏後屬趙。秦使白起破趙於長平。卽今州北高平縣西北二十里。長平故城是也。秦兼天下。今州卽上黨郡地。漢爲上黨郡。高都縣之地也。後魏道武帝置建興郡。孝莊帝改置建州。周改建州爲澤州。蓋取漢澤爲名也。

州境。東四百九十里。南一百五十里。

八到西南至上都一千一百四十里

北至太原府大路六百一十里

西至絳州四百四十里

貢賦開元貢白石英五十斤 人參

東踰山至衛州四百一十里

管縣六 晉城 高平 陵川 沁水 陽城 端氏

晉城縣上 郭下 本漢高都縣屬上黨郡 開皇三年改屬澤州 十八年改爲丹川縣 因縣東丹水爲名 貞觀三

年改置晉城縣

太行山在縣南四十里 禹貢曰 太行恆山 至於碣石 注曰 二山連延 東北接碣石

丹水在縣北十二里 司馬山 俗傳秦坑趙衆 流血丹川 故名丹水 斯爲不經也

天井故關一名太行關 在縣南四十五里 太行山上

高平縣上 南至 本漢泫氏縣屬上黨郡 在泫水之上 故以爲名 後漢改爲元氏 屬建興郡 高齊文宣帝

省元氏縣 自長平高城移高平縣理之 仍改高平縣 屬高都郡 開皇三年改屬澤州

頭顱山一名白起臺 在縣西五里 秦坑趙衆 收頭顱築此臺

米山在縣東十里。趙將廉頗積糧此山，因名。

涇水在縣西北三十六里。

長平故城在縣西二十一里。白起破趙四十萬衆於此，盡殺之。

長平關在縣北五十一里。

陵川縣。中西至州一百四十里。本漢泫氏縣地。開皇十六年，於此置陵川縣，因川爲名。屬澤州。

太行山在縣西南百里。

沁水縣。中東南至州二百里。本漢端氏縣地。後魏莊帝於此置泰甯郡及東永安縣。高齊省郡而縣存。開皇十八

年，改爲沁水縣。

沁水在縣東北五十二里。

古王離城在縣東北五十里。秦時王離擊趙所築，四面絕險。

陽城縣。中東至州一百一十里。本漢濩澤縣，屬河東郡。因濩澤爲名也。隋改屬澤州。天寶元年，改爲陽城縣。

析城在縣西南七十五里。

濩澤在縣西北十二里。墨子曰：舜漁於濩澤。

端氏縣。中南至州一百里。本漢舊縣也。史記曰：趙成侯十六年，與韓、魏分晉，封晉君於端氏。肅侯元年，奪晉君端

氏徙處屯留。漢以爲縣。屬河東郡。晉屬平陽郡。後魏屬安平郡。開皇三年罷郡。屬澤州。石門山在縣西南四十一里。

沁水在縣南一里。

邢州

鉅鹿 開元戶五萬八千八百二十

元和戶三千六百九十三 鄉一百二十 鄉三十三

禹貢冀州之域。亦古邢侯之國。邢侯爲紂三公。以忠諫被誅。周成王封周公旦子爲邢侯。後爲狄所滅。齊桓公遷邢於夷儀。按故邢國。今州城內西南隅小城是也。夷儀。今龍崗縣界夷儀城是也。春秋時屬晉。後三家分晉。屬趙。秦兼天下。於此置信都縣。屬鉅鹿郡。項羽改曰襄國。蓋以趙襄子諡名也。趙歇爲趙王。張耳爲常山王。並理信都。襄國。今州理龍崗城是也。前趙嘉平元年。石勒屯兵許昌。張賓說勒曰。觀王彌有王青州之心。遲迴未發者。懼明公踵其後也。明公獨無并州之思乎。勒從之。遂長驅至鄴。攻晉北中郎將於三臺。張賓又進曰。三臺險固。攻守未易。卒下。王彭祖。劉越石大敵也。宜及其未至。密規進據牢城。掃定并薊。桓文之業可濟也。邯鄲。襄國。趙之舊都。依山憑險。形勝之國。可擇此二邑而都之。王業可圖也。勒於是進據襄國。王浚遣兵五萬人來討。勒欲挑戰。張賓諫曰。夫用兵當以己所便。擊彼所不便。今段末杯強捍。且宜示之以弱。鑿北壘爲突門。二十餘道。伏精卒。候賊列守未定。出其不意。擂鼓奮勇。直衝杯帳。杯卒旣奔。則彭祖可指辰而定也。勒從其計。遂生擒末杯。永嘉六年。勒僭號。遂定都焉。至季龍徙都鄴。爲襄

國郡石氏既滅。罷之。後魏復為襄國縣。開皇三年。以襄國縣屬洛州。九年。改為龍崗縣。十六年。割龍崗等三縣置邢州。以邢國為名也。大業三年。改為襄國郡。武德元年。改為邢州。置總管。二年。陷竇建德。四年。討平之。又為劉黑闥所陷。五年。擒之。依舊為邢州。

州境。東西北西一百八十二里。

八到。西至上都一千九百四十里。

東至貝州二百三十里。

西踰山至儀州二百三十五里。

貢賦。開元賦。賦。縣。石。獅子。絲。布。

管縣九 龍崗 堯山 鉅鹿 沙河 平鄉 南和 任縣 內邱 青山

龍崗縣。郭上。下。古邢國也。秦以為信都。項羽更名曰襄國。漢因不改。石勒僭號。據之。勒未立前。襄國有讖曰。

古在左。月在右。讓亡言。或入口。識者以為胡有襄國也。周武帝改為襄國郡。開皇三年。罷郡。縣屬洛州。九年。改為龍崗縣。以西北有龍崗。因名之。十六年。於此置邢州。龍崗縣屬焉。皇朝因之。

土山二在縣東百五十步。昔冉閔攻石。祇於襄國。為土山。地道於此。

石井崗一名龍崗。在縣西北七里。崗上有井。大如車輪。石勒時。天旱。沙門佛圖澄於此掘得一死龍。長尺。

餘瀆之以水良久乃蘇雨遂大降因名龍崗。

夷儀嶺在縣西百五十七里。

夷儀故城在縣西四十里今俗謂之隨宜城蓋語訛也。

石勒墓在縣南十五里。

堯山縣上西南至州八十里本曰柏人春秋時晉邑戰國時屬趙秦滅趙屬鉅鹿郡漢書曰八年高祖從平城過

趙趙相貫高壁人柏人要之置厠上曰柏人者迫於人不宿去後魏改人爲仁開皇三年罷鉅鹿郡屬

趙州大業三年改屬邢州天寶元年改爲堯山縣。

泫水在縣西一里俗亦名曰脂溝。

柏人故城在縣西北十二里。

張耳臺在縣西北十二里。

鉅鹿縣上西至州一百十九里本漢南樂縣地開皇六年於此置鉅鹿縣屬趙州取漢鉅鹿縣之名也武德元年於

此置起州又立白起縣二年陷竇建德四年討平罷起州以縣屬趙州貞觀元年改屬邢州。

大陸澤一名鉅鹿在縣西北五里禹貢曰恆衛既從大陸既作按澤東西二十里南北三十里葭蘆菱蓮

魚蟹之類充牣其中澤畔又有鹹泉煮而成鹽百姓資之。

沙河縣上北至州三十五里本漢襄國縣地開皇九年改襄國爲龍崗縣十六年分龍崗於此置沙河縣以沙河在縣南五里因以爲名

黑山在縣西四十里出鐵

磬口山在縣西南九十八里漢魏時舊鐵官也

平鄉縣上西至州九十里本春秋時邢國後爲趙地始皇滅趙以爲鉅鹿郡亦大稱也張耳與趙王歇走入鉅鹿

城王離圍之卽此地也後魏自平鄉故城移平鄉縣於此理之屬廣平郡開皇三年屬洺州十六年改屬邢州

濁漳水今俗名柳河在縣西南十里

落漠水在縣西南十八里

沙邱臺在縣東北二十里殷紂所築又李兌圍武靈王於沙邱宮探雀穀食之而死又始皇東巡回死於沙邱

南和縣州西南至三十八里本漢舊縣屬廣平國後漢屬鉅鹿郡石趙屬襄國郡周屬南和郡開皇三年屬洺州

十六年改屬邢州

鴛鴦水經縣北五里

張賓墓在縣西十二里。石勒軍師。號曰右侯。

任縣。上州。西南至三十八里。本漢張縣地也。在今縣西南。渚陽城是也。後漢省。趙於此置苑縣。石氏滅。廢。開皇十六

年。於此置任縣。屬邢州。大業三年省。武德四年重置。

張城一名渚陽城。在縣西南二十七里。漢張縣也。石勒傳。晉將王浚遣石季龍盟。就六眷於渚陽。謂此也。

內邱縣。上州。南至五十八里。古邢國地。在漢爲中邱縣。屬常山郡。晉於此立中邱郡。石趙改爲趙安縣。後魏孝文

帝復立中邱縣。隋室諱忠。改爲內邱。開皇三年屬趙州。大業二年改屬邢州。

鵲山在縣西三十六里。昔扁鵲將號太子遊此山採藥。因名。

青山縣。中州。東南至五十里。本漢中邱縣地。開皇十六年於此置青山縣。屬邢州。縣界有青山。因名。大業二年省。

縣屬龍騰府。武德元年析龍崗內邱兩縣重置。屬邢州。

黑山一名青山。在縣西二十里。幽深險絕。爲逋逃之藪。以周太祖諱黑。改黑山爲青山。縣取名焉。

雷公山在縣西南八里。漢末黑山羣盜張飛燕等不立君長。直以名號爲稱。多髯者謂之羗公。大聲者謂

之雷公。時有雷公賊保此。因以爲名。

洺州。廣平。開元戶七萬七千一百五十七。鄉一百四十六。

禹貢冀州之域。春秋時赤狄之地。後屬晉。荀林父敗赤狄於曲梁。按曲梁今州理地也。七國時屬趙。趙敬

侯始都邯鄲。至幽王遷，爲秦所滅。秦兼天下，是爲邯鄲郡地。漢帝分置廣平國。自漢至晉，或爲國，或爲郡。永嘉末，胡虜竊號，石勒據有其地。石氏滅，又屬慕容儁。至子暉滅，又屬苻堅。後慕容垂得山東，其地復屬焉。周武帝建德六年，於郡置洺州，以水爲名。大業三年，罷州爲永安郡。武德元年，又改爲洺州，兼置總管。二年，陷於竇建德。四年，討平，又爲建德舊將劉黑闥所陷。尋討平。六年，罷總管，復爲洺州。

州境，東一百九十七里，南北一百一十二里。

八到，西南至上都一千六百二十里，西北至邢州一百二十里，東北至貝州二百二十里，東南至魏州一百六十四里，正西至北至儀州三百六十四里。

賁賦，開元賦，平軸，緜，績。

管縣八：永年、雞澤、洺水、肥鄉、清漳、曲周、臨洺、平恩。

永年縣，望下，本漢曲梁縣，屬廣平國。後漢屬鉅鹿郡。高齊文宣帝省曲梁，置廣年縣。開皇三年，罷郡，屬洺州。仁壽元年，改廣年爲永年，避煬帝諱也。

洺水在縣南三里。

雞澤在縣西南十里。左傳：諸侯同盟於雞澤。今其澤魚鱉菱芡。州境所資。

廉頗臺在州城南十里。十六國春秋。冉閔遇慕容恪於廉臺。十戰皆敗。

皇家平劉黑闥壘。在縣西南十里。洺水南。貞觀四年。於壘東置昭福寺碑。岑文本撰。

雞澤縣。上。州。五。十。里。西南至。本漢廣平縣地。開皇十六年。於廣平城置雞澤縣。大業二年。省。武德四年。重置。

洺漳二水在縣東南二十五里合流。東入平鄉縣界。

洺水縣。上。州。五。十。里。西至。本漢斥漳縣。屬廣平國。漳水經其城。其地斥鹵。故曰斥漳。開皇六年。以縣西近洺河。故

爲洺水。屬洺州。

衡漳故瀆。俗名阿難渠。在縣西二百步。蓋魏將李阿難所導。故名。

黃塘坡。在縣西北十五里。晉龍驤將軍劉牢之。救苻丕。追慕容垂大軍於黃塘泉。卽此坡也。

肥鄉縣。上。州。四。十。九。里。西北至。本春秋時晉地。七國時屬趙。今縣卽漢邯鄲縣地。魏黃初二年。分邯鄲二縣立肥鄉。

屬廣平郡。後魏省入臨漳。開皇十年。又置。屬礪州。十六年。割屬洺州。

肥鄉故城。在縣西二十二里。

平原君墓。在縣東北七里。

清漳縣。上。州。七。十。里。西北至。本漢列人縣地。按列人縣故城。在今肥鄉縣界。開皇十六年。於此置清漳縣。南濱漳

水。因以爲名。屬洺州。

曲周縣上 州八十里 西南至 本漢舊縣屬廣平國鄆商爲曲周侯後漢屬鉅鹿郡魏屬魏郡後魏宣武帝改置曲

安縣屬廣平郡高齊省開皇六年復置屬洺州大業二年省武德四年於曲周故城重置

漳水在縣西二十九里

阿難枯渠在縣南十四里

臨洺縣州五十里 東南至 本漢易陽縣地屬趙國後魏省入邯鄲縣開皇十年移邯鄲縣理陟鄉城城在今邯

鄲縣界仍於此中府城別置臨洺縣北濱洺水因以爲名屬碻州大業三年割屬洺州

狗山在縣西十里山頂石上有狗跡因名武德五年太宗親總戎討劉黑闥於此立營

平恩縣上 西至州 八十三里 本漢舊縣也屬魏郡宣帝以許廣漢爲平恩侯魏省尋復置開皇三年罷屬洺州

康臺澤在縣東五里

碻州上 滏陽 元和戶一千四十 鄉一十三

本漢廣平郡魏武安縣之地周武帝於此置滏陽縣及成安郡開皇十年廢郡於縣置碻州以縣西九十

里有碻山出碻石因取爲名大業二年廢以屬相州皇朝永泰元年重置以河東有慈州故此加石也

州境東 北 西 南 一百一十五里

八到西南至 上都 一千五百四十里

八到西南至 東都 六百四十五里

南至相六十五里。
正北徽東至洛州一百十里。
西至潞州三百四十里。

賁賦開元賁賦錦紗鳳翮席一絹。

管縣四 滏陽 邯鄲 昭義 武安

滏陽縣郭下本漢武安縣之地。魏黃初三年分武安立臨水縣屬廣平郡。以城臨滏水故曰臨水。以城在滏水之陽亦曰滏陽。周武帝於此別置滏陽縣屬成安郡。開皇三年廢郡縣屬相州。十年於此置礪州。滏陽屬焉。大業二年廢礪州縣屬相州。永泰元年重立礪州縣又割屬。

鼓山亦名滏山在縣西北四十五里。滏水出焉。泉源奮湧若滏水之湯。故以滏口名之。八陁第四曰滏口陁。山嶺高深實爲險阨。

石季龍墓在縣西南十四里。

佛圖澄墓在縣西南十七里。

高齊神武陵在縣南十三里。

邯鄲縣上州七十里西南至本衛地也。後屬晉。七國時爲趙都。趙敬侯自立晉陽。始都邯鄲。至幽王遷降秦。遂滅

趙以爲邯鄲郡。邯山名也。單盡也。城郭從邑。故單字加邑。魏以爲縣。屬廣平郡。開皇十年置礪州。邯鄲縣

屬焉。大業二年廢礪州。縣屬洺州。永泰年重置礪州。縣還割屬。

邯山在縣東南五里。

叢臺在縣城內東北隅。

洪波臺在縣西北五里。

趙簡子墓在縣西南十二里。

公孫杵臼程嬰墓在縣西十五里。

趙奢墓在縣西北七里。

樂毅墓在縣西南十八里。

藺相如墓在縣西南二十三里。

昭義縣。州上東南至魏黃初三年於今滏陽縣置臨水縣。北齊天保元年移理松釜。周武帝建德六年廢

永泰元年再置仍改名昭義。

武安縣。州上東南至本七國時趙地。趙將李牧封武安君。即今縣也。漢屬魏郡。魏屬廣平郡。開皇三年屬

相州。十年割屬礪州。大業二年礪州廢。割屬洺州。後置礪州。又分隸焉。

闕與山在縣西南五十里。趙奢拒秦軍闕與。即此山也。

洛水西北去縣八十三里。

武安故城在縣西南五里。六國時趙邑也。趙奢之救關與秦軍鼓譟。武安屋瓦皆動。卽此城也。

元和郡縣圖志卷十五考證

河東道四

別爲郡。潞州敘。

都宜作郡。史記韓世家。我上黨郡守以上黨郡降趙。班固云。上黨韓之別郡也。各地理書多作都。

開皇十年罷郡。開元七年。

十宣作三。南本七上有十字。

八十七。八到下。

澤州八到作四十九。

二百一十里。

沁州八到作三百三十里。疑誤。

鄉縣。管縣下。

宜作武鄉。官本作鄉。無武字。皆後人誤會志文妄削。詳後。

開元戶云云。長子縣下。

官本有鄉三十二南本作三十三此脫

武訖山本條

官本山作嶺樂史同此脫南本增

執衛行人孫蒯於屯留屯留縣敘

屯左傳及水經注並作純南本改漢志作屯師古音純

爲剗陵縣潞城縣敘

官本作刈與地形志合南本改此疑誤下同

鬻水與軍人絹疋水二石漳水條

人宜作入按十六國春秋作入絹一匹此本水經注

壺關縣

以下各縣不復列開元戶鄉數傳鈔脫漏

一十九里漢壺關條

南本無一十

鄉縣

本武鄉縣。祁縣胡甲水條云：自潞州武鎮縣界流入是也。敍云：晉縣。元有武字。後草創失舊名。指後魏時。敍內應有脫錯。非謂本志無武字。宜改正。唐志亦作武鄉。顧祖禹曰：武鄉縣。後魏改爲鄉郡。縣亦爲鄉縣。隋初郡廢。縣屬潞州。武后時。復曰武鄉縣。神龍初。仍曰鄉縣。天寶初。復曰武鄉。

護甲水本條

祁縣條作胡甲水。

魏莊帝襄垣縣敍

官本作後魏孝莊帝。此脫。南本改。

於襄垣城。

官本於作改。城作縣。疑誤。南本从之。

井谷關本條

官本作天井關。樂史同。此誤。

涉縣本漢舊縣敍

地理志涉作沙。恐誤。水經注作涉。與王子侯表離石侯綰後更爲涉侯文合。是漢縣本作涉。地理志乃形近之訛。趙一清謂自三國後始有涉名。誤矣。

屬礪州。

隋志無石旁。

後魏道武帝置建興郡。澤州

地形志曰：慕容永分上黨置建興郡。真君九年省。與此別。

蓋取濩澤為名也。

官本下注濩烏怕反。此脫。

貞觀三年。晉城縣

舊志作武德二年。新志作武德三年。

後漢改為元氏。屬建興郡。高平縣

漢宜作魏。南本改。按地形志。縣屬建興郡。後漢無此郡名。

涇水。本條

疑卽水經注之泫水。地理志有泫水。無涇水。蓋誤。

後魏莊帝。沁水縣

莊宜作明。南本作孝莊。亦誤。地形志：秦甯郡。孝昌中置。

十二里。陽城縣
濩澤條

錢坫引作十三。戴震引作十二。

今段末杯強捍。邢州敘

十六國春秋杯作杯。捍作悍。官本作悍。南本改。此誤。

永嘉六年。勒僧號。遂定都焉。

十六國春秋。勒僧號。改元在咸和五年。計前稱太和者二。稱趙王者九。始於晉太興二年。不及永嘉時。

宜有誤。

開皇三年。

南本三作五。誤。

改爲龍崗縣。

隋。唐志並作岡。此俗字。下同。傳鈔妄增。

土山二。龍岡縣
本條

南本無二。

夷儀故城在縣西四十里。本條

樂史四十上有一百。欽定春秋引此同。南本增此脫。

漢書曰八年高祖。貫高壁人柏人要之。置厠。上曰云云。魏山縣敘

漢書七字。南本作漢高祖八年。貫高云云。官本作貫高壁人厠上要之。上心動。問縣名何。曰柏人。上曰云云。語較詳。南本改。

大業三年。

三、宜作二。

泫水。本條

泫當作泫。按泫水南注沁水。不過邢州。顧祖禹曰。泫水縣西二里。蘇林音祇。近脂。故有脂溝之名。韓信斬陳餘此水上。泫俗作沍。形近誤泫。

本漢南樂縣地。鉅鹿縣敘

地理志樂作戀。南本改。

一名鉅鹿。在縣西北五里。大陸澤條

王鳴盛尚書後案引鹿下有澤字。錢坫引五下有十字。此並脫。

又有醜泉。

官本鹹作鹹此俗字

磬口山沙河縣條

官本作磬隋志作磬

始皇滅趙以爲鉅鹿郡平鄉縣敘

郡宜作縣顧祖禹曰平鄉縣秦鉅鹿縣漢因之爲郡秦鉅鹿郡治信都今刑臺縣

趙於此置苑縣任縣敘

樂史云後趙置苑鄉季龍改爲清苑縣此宜有脫

鵲山在縣西三十六里內邱縣本條

鵲山地理志作蓬山樂史作蓬鵲山三十六作六十三顧祖禹亦云此疑倒

鄉一十七洛州下

官本無宜衍

漢帝分置廣平國州敘

官本作漢武帝置平干國宣帝改曰廣平此脫南本增

又屬慕容雋

十六國春秋水經注雋並作鷓字通

爲永安郡

隋志永作武

六百六十里入到

官本六百作七百樂史同

三百六十四里

饑州八到無四字

置廣年縣永年縣敘

年官本作平下同與隋志合南本改廣年後魏因漢舊名置後廢

大業二年省雞澤縣敘

官本二作三疑誤隋書大業二年省併州縣

故爲洺水洺水縣敘

官本故作改

黃塘坡 於黃塘泉本錄

坡南本改陂。按樂史作董塘陂。此誤。黃塘泉本作董唐淵。十六國春秋。牢之追及於董唐淵。爲垂所擊。敗績。卽此所本。淵避作泉。

四十九里。肥鄉縣注。

官本九作五。

分邯鄲二縣。縣敘。

官本二作等。上有列人。南本改樂史同。此疑脫。

東北七里。平原君條。

官本北作南。樂史同。

本漢易陽縣地。後魏省。臨洛縣敘。

地形志。易陽縣屬魏尹。顧祖禹曰。後魏時省入邯鄲。尋復置。天平初。改屬魏郡。

仍於此中府城。

官本此作北。南本改樂史同。此疑誤。

大業三年。

三。宜作二。

於此立宮。狗山

官本宮作營。與樂史合。此誤。南本改。

開皇三年罷屬洛州。平恩縣敘。

文義未析。罷下宜有脫文。樂史云。開皇六年移於平恩縣舊理。疑本此志。故治仍作理。蓋六年復置也。

本漢廣平郡魏武安縣之地。碭州敘。

官本無廣平。作魏郡。南本从之。亦未的。邯鄲屬趙國。疑別有脫誤。地理志無廣平郡。此疑衍。

開皇十年。

十宜作三。

鼓山。滏陽縣本條。

水經注作石鼓山。

若滏水之湯。故以滏口名之。

王應麟引此湯作湯湯。無口字。亦非原文。水經注作若滏之揚湯。此志所本。宜照改。王應麟作湯湯。卽

揚湯之誤。

魏以爲縣屬廣平郡。邯鄲縣敘。

宜作漢以爲縣地理志屬趙國高祖九年封趙王如意都此

移理松釜昭義縣敘

樂史釜作谷

關與山武安縣本條

此本括地志乃唐人誤會史記之訛已詳前和順縣趙奢傳秦圍關與聞趙發兵救故進逼武安欲摧其鋒奢堅壁二十餘日不出示無救關與意秦軍安之乃出其不備直馳二日一夜而至關與解其圍其不在武安明矣